



Broj: 01-49-2-763/12.

Datum: 06.03.2012. godine

I Z V J E Š T A J

o radu Općinskog vijeća Tešanj za period 01.01. – 31.12.2011. godine

UVODNI DIO

Izveštaj o radu Općinskog vijeća Tešanj za period 01.01. – 31.12.2011. godine predviđen je u prvom kvartalu Programa rada za 2012. godinu.

Informisanje javnosti o radu i djelovanju Općinskog vijeća je obaveza sadržana u Poslovniku o radu Općinskog vijeća Tešanj (član 90.) i Statuta Općine Tešanj (član 90.).

Cilj ovakvog izvještavanja je da se na jednom mjestu iskažu osnovne aktivnosti Vijeća u izvještajnom periodu, metode i sadržaj rada, okolnosti i rezultati rada, uoče mogućnosti unapređenja efikasnosti, te na osnovu toga, pruži cjelovita slika o radu Vijeća svim zainteresiranim (građanima, političkim partijama, udruženjima i organizacijama, vijećnicima i drugim subjektima).

Rad Općinskog vijeća u navedenom periodu bio je na izvjestan način usmjeren Programom rada Općinskog vijeća za 2011. godinu, ali je svo vrijeme uvažavana aktuelna stvarnost, osnovna pitanja i problemi svakodnevnice.

RAD VIJEĆA


Općinsko vijeće Tešanj je u periodu 01.01. - 31.12.2011. godine radilo u redovnim javnim zasjedanjima. Održano je ukupno 13 sjednica, a od toga dvije tematske vezane za izvještaje JP i JU (17. - prekinuta u 2010. godini i 29. sjednica) i jedna svečana sjednica (10.12.2011. godine). Jedna sjednica održana je u dva dijela (26. sjednica). Sjednice Vijeća u izvještajnom periodu trajale su u prosjeku oko 3 sata.

Na dnevnom redu sjednica Vijeća bilo je 137 tačaka, od čega je 50 ili 36,50 % bilo predviđeno Programom rada Vijeća. Ostalih 87 tačaka ili 63,50 % bile su vanredne aktivnosti nastale kao produkt aktuelnih tema i sadržaja na koje je lokalna uprava morala reagovati sa ciljem da ne usporava određene procese kojih se planirani dnevni red ticao. To je bilo uzrokom velikog broja tačaka dnevnog reda po jednoj sjednici (u prosjeku 12 tačaka).


Sagleda li se struktura tema i pitanja o kojima se vodila rasprava i donosili određeni zaključci, najbrojniji su prijedlozi odluka (54), zatim inicijative (35), rješenja (29), informacije (29), izvještaja (11) i ostali prijedlozi (15).

U javnu raspravu upućena su 4 nacrti odluka.

**STRUKTURA TEMA I PITANJA
O KOJIMA SE VODILA RASPRAVA**



U izvještajnom periodu Općinsko vijeće je nakon provedene rasprave usvojilo 54 odluke, 29 rješenja i 85 zaključaka.



Da bi se stekla realna slika navedenih podataka, odnosno rada Vijeća u 2011.g., potrebno je navedene podatke uporediti sa planskim aktivnostima koje su definirane Programom rada Vijeća za 2011.godinu, što je iz narednog pregleda jasno vidljivo:

Vrsta dok. / Pl. / Real.	Odluke	Izveštaji	Informacije	Rješenja	Ukupno	Vjećn. Pit.	Inicijative	Zaključci
	Planirano	17	13	17	1	48		
Realizovano	54	11	29	29	119	35	35	85
Razlika:	+ 37 (+ 317 %)	- 2 (- 16 %)	+ 12 (+ 170 %)	+28	+ 75 (+ 190 %)			

Osnovne tematske odluke, koje je Vijeće u izvještajnom periodu donijelo, bile su:

- Odluka o prvoj emisiji obveznica javnom ponudom putem Sarajevske berze-burze vrijednosnih papira;
- Odluka o pogodnostima za investitore u Regulatornom planu Poslovna zona „Bukva“;
- Odluka o usvajanju Nacrta urbanističkog rješenja mikrolokacije Centra Jelaha sa redefiniranjem elemenata dijela regulacionog plana Centar Jelah"
- Odluka o načinu rasporeda budžetskih i drugih sredstava za dugoročnu podršku realizaciji kapital. projekata;
- Odluka o usvajanju Programa novčanih podsticaja za unaprjeđenje primarne poljoprivredne proizvodnje na području općine Tešanj u 2011. godini;
- Odluka o javnoj rasvjeti na području općine Tešanj;
- Odluka o općinskim administrativnim taksama;
- Odluka o deprofesionalizaciji pozicije predsjedavajućeg Općinskog vijeća Tešanj;
- Odluka o usvajanju Liste kapitalnih projekata za budžetsku 2011. godinu;
- Odluka o izmjenama i dopunama Odluke o načinu i kriterijima raspodjele sredstava za finansiranje rada organa mjesnih zajednica;
- Odluka o izmjenama i dopunama Budžeta Općine Tešanj za 2011. godinu (Rebalans);
- Odluka o izmjenama i dopunama Odluke o izvršavanju Budžeta Općine Tešanj za 2011. godinu;
- Odluka o pokretanju projekta uvođenja sistema upravljanja okolinom u Općini Tešanj.....
- Odluka o stipendiranju redovnih studenata dodiplomskog studija (prvog ciklusa) u akademskoj 2011/2012. godini;
- Odluka o prihvatanju kredita Evropske investicione banke (EIB) za projekat vodovod i kanalizacija u FBiH;
- Odluka o odobravanju kreditnog zaduženja JP Toplana d.d. Tešanj i davanju garancije;
- Općine za kreditno zaduženje kod Razvojne banke Federacije BiH;
- Odluka o izmijeni i dopuni Odluke o kriterijima, načinu i postupku raspodjele sredstava NVO;
- Budžet Općine Tešanj za 2012. godinu;
- Odluka o izvršenju Budžeta Općine Tešanj za 2012. godinu;
- Zaključak o uspostavljanju saradnje sa Općinom Struga, Republika Makedonija, itd.

METODE I NAČIN RADA

Aktivnosti Općinskog vijeća zasnivale su se na zadacima utvrđenim Programom rada Vijeća za 2011. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio

da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo. Iako obiman materijal, Kolegij je redovno iskazivao razumijevanje za sve predložene tačke dnevnog reda, te se sva planirana tematika za sjednice usvajala jednoglasno. Sve ovo doprinosilo je konstruktivnoj atmosferi u radu Vijeća.

Materijali za sjednice Vijeća su uglavnom dostavljani najmanje 5 dana prije same sjednice, čime je ispoštovana procedura iz Poslovnika o radu Vijeća.

Vijećnici su u svom radu, pored pokretanja 35 inicijativa, postavili i 35 vijećničkih pitanja na koja je odgovoreno, uglavnom do naredne sjednice Vijeća.

Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan, tako da su sjednicama redovno prisustvovali i mediji (TV "Smart" Tešanj – snimak sjednica, NTV „AMNA“ - direktan prijenos sjednica od jula 2011. godine (od 31. sjednice) i novinar Radio Tešnja gosp. Halid Fezić), građanima općine bilo je omogućeno direktno televizijsko praćenje sjednica Vijeća, te kraće reportaže putem TV "Smart" Tešanj i lokalnih radio stanica u trajanju od 15 minuta (Tešanjaska hronika), a konačni akti redovno su objavljivani u "Službenom glasniku Općine Tešanj".

Takođe, rad Vijeća redovno je predstavljan na web stranici Općine Tešanj i Tešanjskom biltenu, kao i štampanju tematskih letaka sa nekih sjednica Vijeća, te na druge načine.

PRISUSTVO SJEDNICAMA VIJEĆA

Prisustvo sjednicama Vijeća bilo je dobro jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika ili 96 %. Ovaj procenat bi bio i veći da vijećnici Kluba vijećnika SDP nisu najavili svoje odsustvo (6 vijećnika) sa 27. i 28. sjednice, zbog izglasavanja nepovjerenja predsjedavajućem Vijeća Kaser Vedranu (deprofesionalizacija te pozicije) i izbora na poziciju predsjedavajućeg Vijeća vijećnika Subašić Esmira (na 26. sjednici).

Vijećnici Handžić Hasan (zamjenik predsjedavajućeg Vijeća), Senad Subašić i Amil Buljubašić su preuzeli nove mandate umjesto njih vijećnici su postali Hadžalić Edin, Zeničanin Ismet – Kići i Nedim Ahmetagić (na 24. i 29. sjednici). Vijećnik Benjamin Smailbegović je dao ostavku na dužnost vijećnika pa je nova vijećnica postala Ermelina Costović (na 34. sjednici Vijeća).

Umjesto Handžić Hasana za novog zamjenika predsjedavajućeg Vijeća izabran je vijećnik Rasim Omerbašić (na 25. sjednici).

Od ukupno 12 održanih sjednica Vijeća u 2011. godini (bez svečane sjednice), sjednicama Vijeća, uglavnom nakon ranije najavljenog opravdanog odsustva preko predsjedavajućeg Vijeća, nisu prisustvovali slijedeći vijećnici:

1.	Muhamed Halilović	4 sjednice Vijeća
2.	Zehrudin Kruško	3 sjednice
3.	Rasim Omerbašić	2 sjednice
4.	Munevera Alić	2 sjednice
5.	Edin Hadžalić	2 sjednice
6.	Hamdo Kurdić	2 sjednice
7.	Benjamin Smailbegović	1 sjednica Vijeća
8.	Amir Kurtić	1 sjednica
9.	Amela Ostrvica	1 sjednica
10.	Jakub Rošić	1 sjednica
11.	Sead Mehičić	1 sjednica
12.	Rifet Begović Mrki	1 sjednica

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela.

Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovniku o radu, Vijeće ima deset komisija i Komisiju za primjenu Kodeksa ponašanja vijećnika u Općinskom vijeću Tešanj.

Pregled stalnih radnih tijela Vijeća i broja održanih radnih sastanaka u izvještajnom periodu:

Red. broj	RADNO TIJELO	BROJ SASTANAKA
1.	Komisija za pitanja mladih	8 sastanaka
2.	Komisija za primjenu Kodeksa ponašanja vijećnika u Općinskom vijeću Tešanj	4 sastanka
3.	Komisija za budžet	4 sastanka
4.	Komisija za izbor i imenovanje	1 sastanak
5.	Komisija za predstavke i prijedloge	1 sastanak
6.	Statutarna komisija	1 sastanak
7.	Komisija za zaštitu čovjekove okoline	bez sastanaka
8.	Komisija za ravnopravnost polova	bez sastanaka
9.	Mandatno-imunitetska komisija	bez sastanaka
10.	Zakonodavno-pravna komisija	bez sastanaka
11.	Komisija za odlikovanja i druga javna priznanja	bez sastanaka

Održano je 19 sastanaka stalnih radnih tijela, s tim da pet komisija nije održalo ni jedan sastanak, što dovodi do zaključka da u ovom izvještajnom periodu nije bilo potrebe da se određena radna tijela angažuju.

Pored stalnih radnih tijela, Vijeće je imenovalo veći broj privremenih radnih tijela. Neka od njih su: Komisija za studentske stipendije, Komisija za procjenu vrijednosti nekretnina u prometu, Komisija za provođenje javnog konkursa za dodjelu građevinskog zemljišta u državnom vlasništvu, Komisija za promjenu naziva JU Opća bolnica Tešanj i dr. Ova radna tijela (komisije), imenovana su po potrebi i mandat će im biti završen nakon obavljenog posla za koji su imenovane.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća izvršna vlast uglavnom i realizirala u predviđenom roku, te da je u toku realizacija preostalih zaključaka, o čemu se Općinsko vijeće redovno informiše dostavljanjem pisanog pregleda svim vijećnicima.

ZAKLJUČNA RAZMATRANJA

Sadržaj predmetnog izvještaja ukazuje na značajne i vrlo obimne aktivnosti Općinskog vijeća Tešanj. Pregled aktivnosti Vijeća pruža priliku da se sagledaju obim i rezultati rada i prilika je za stvaranje kritičkog odnosa na eventualne manjkavosti, a naročito u metodu, obimu i sadržaju rada.

Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u 2011.g. vrlo uspješno realizovalo svoju funkcionalnu ulogu, odnosno sa 190 % većom realizacijom aktivnosti iz svoje nadležnosti u odnosu na Program rada za 2011.godinu.

Bitno je navesti i činjenicu da je većina odluka, kao važnijih dokumenata, usvajana jednoglasno i da nije bilo u prijedlogu niti jedne koja je apsolutno odbijena, što ukazuje na stabilan odnos između zakonodavne i izvršne vlasti, odnosno da se međusobno podupiru u zajedničkoj viziji dostizanja ciljeva i prioriteta od općeg interesa građana.

Na ovakav zaključak navodi i usvojenih 85 zaključaka od strane Općinskog vijeća koji su upućeni izvršnoj vlasti od kojih je većina realizovana, a realizacija nekih još traje.

Ovakav uzajamni odnos Vijeća i izvršne vlasti bilo bi dobro zadržati i ubuduće.

Shodno članu 91. Poslovnika o radu Općinskog vijeća, u izvještajnom periodu po tačkama:

- a) Općinsko vijeće Tešanj je donijelo 54 odluke, 29 rješenja i 85 zaključaka.
- b) Na adresu Općinskog vijeća pristiglo je 17 komentara na odluke koje je Vijeće donijelo.
- c) Općinsko vijeće je donijelo 15 odluka koje su inicirali građani, a koje se uglavnom odnose na dodjelu zemljišta.
- d) Održane su 4 javne rasprave.
- e) U toku javnih rasprava prisustvovalo je 237 građana.
- f) Analizu ekonomske opravdanosti sadržavalo je 26 odluka.
- g) Na sjednicama Vijeća, pored redovnih gostiju, prisustvovalo je 6 građana.

U cilju transparentnosti rada, potrebno je ovaj Izvještaj objaviti na zvaničnoj web stranici Općine Tešanj i u narednom broju Biltena, te tako dati priliku i građanima općine Tešanj da se upoznaju s radom Općinskog vijeća Tešanj.

Ovaj Izvještaj treba da pruži mogućnost za raspravu i sagledavanje ukupnog rada i djelovanja, a na samom Vijeću ostaje da iznese svoju konačnu ocjenu o radu i rezultatima rada u izvještajnom periodu.

PREDSJEDAVAJUĆI VIJEĆA

Esmir Subašić